



Саввино-Сторожевский  
ставропигиальный  
мужской монастырь

По благословению  
Святейшего Патриарха  
Московского и всея Руси  
Алексия II

**АКАФИСТ**  
**ПРЕПОДОБНОМУ ОТЦУ НАШЕМУ**  
**САВВЕ,**  
**ИГУМЕНУ**  
**СТОРОЖЕВСКОМУ,**  
**ЗВЕНИГОРОДСКОМУ**  
**ЧУДОТВОРЦУ**



ИЗДАТЕЛЬСКИЙ СОВЕТ  
РУССКОЙ ПРАВОСЛАВНОЙ ЦЕРКВИ  
МОСКВА 2007



## АКАФИСТ ПРЕПОДОБНОМУ ОТЦУ НАШЕМУ САВВЕ, ИГУМЕНУ СТОРОЖЕВСКОМУ, ЗВЕНИГОРОДСКОМУ ЧУДОТВОРЦУ

### *Кондак 1*

**И** збранный от Воеводы и Господа воинств небесных, преподобне отче наш Савво, силою креста Господня победивый напасти, яже от диавола, мира и плоти, яко имея дерзновение ко Господу, от всяких искушений, бед и наветов вражиих молитвами твоими сохраняй нас, похвальная с любовью тебе воспевающих:

**Р**адуйся, отче наш Савво, чудотворче преславный.

### *Икос 1*

**А**нгел во плоти явился еси на земли, преподобне Савво, от юности бо возлюбив Бога, равноангельному поревновал еси житию учителя твоего, преблаженного Сергия, и послужив Господеви в правде и преподобии во вся дни живота своего, по исходе нетлением телесе сияеши. Все убо благоговейно чтуще тя, воспеваем сице:

**Р**адуйся, истинный святяго учителя твоего ревнителю;

**Р**адуйся, земный Ангеле и небесный человеце.

Рáдуйся, вёрный слугó Господень;  
Рáдуйся, усёрдный чистоты и воздержáния хра-  
нителю.  
Рáдуйся, зеркало вёры благочестивыя;  
Рáдуйся, образе крóтости духовныя.  
Рáдуйся, пустынножителей красотó;  
Рáдуйся, иноков настáвниче.  
Рáдуйся, многим ко спасéнию путеводителю;  
Рáдуйся, скóрый помощниче притека́ющим  
к тебе с вёрою.  
Рáдуйся, óтче наш Сáвво, чудотворче преслáвный.

### *Кондак 2*

**В**идя, я́ко в ми́ре сем вся́ческая суетá и тлé-  
ние, потщáлся есѣ тэ́сным и прискóрбным  
путём течéние жѣзни сеѣ совершѣти; все-  
лився во обѣтели преподóбнаго Сэ́ргия, и от него́  
прия́в а́нгельский образ, поревновáл есѣ богомúд-  
рому егó смирэнию и трудолю́бию, и кúпно с ним  
день и но́чь воспева́л есѣ Спасителю, всех Бóгу:  
Аллилу́ия.

### *Икос 2*

**Р**áзум и сэрдце покорѣв Христú Спасителю,  
глагóлющу: «Иже хóщет по Мне итѣ, да отвэр-  
жется себѣ, и вóзмет крест свой, и по Мне  
грядёт», — невозвратно отвратѣл есѣ лице́ своё от  
ми́ра сегó, я́ко от Вавило́на грехóвнаго, и презрѣв  
вся красная и благáя егó, водворѣлся есѣ в пусты́-  
ни, ча́я Бóга, спаса́ющаго воителей Своѣх. Ны́не же  
предсто́иши Престо́лу Бóжию, наслажда́ясь небэ́с-  
ных благ, и вѣлие дерзновéние имѣя ко Гóсподу,  
не забúди нас, к ра́це мощѣй твоѣх усёрдно прите-  
ка́ющих и восхваля́ющих тя:

Рáдуйся, житѣйских суёт и мирскѣх собла́знов  
избежа́вый;  
Рáдуйся, ино́ческое безстра́стие и безмóлвие  
стяжа́вый.

Рáдуйся, вся благáя земли, Небэ́снаго ра́ди  
Цáрствия, за умéты вмени́вый;  
Рáдуйся, равноа́нгельное жити́е до конца́ возлю-  
бѣвый.  
Рáдуйся, возненавѣде́вый ми́ра сегó грехóвную  
сла́дость;  
Рáдуйся, воспри́емый обетова́ние непреста́ю-  
щия жѣзни.  
Рáдуйся, облечéнный сла́вою Небэ́снаго Цáрствия;  
Рáдуйся, сокрови́ще некра́домое и нетлénное об-  
ретѣый.  
Рáдуйся, о Цэ́ркви Христóвой, на землѣ во́ин-  
ствующей, мо́литвенниче небэ́сный;  
Рáдуйся, о всех вёрных, на поклонéние к тебе́  
притека́ющих, предста́телю.  
Рáдуйся, óтче наш Сáвво, чудотворче преслáвный.

### *Кондак 3*

**С**илою, изли́янною на тя свѣ́ше, возше́д на вы-  
соту́ добродéтелей, постóм и бдéнием, мо́лит-  
вами и целомúдрием, я́ко многоцéнным вен-  
цём благоустро́ения ино́ческаго, повсю́ду проси́ял  
есѣ: сегó ра́ди вси вели́ка и преслáвна тя почита́ху.  
Ты же, бегая́ сла́вы от человек, пребывáл есѣ я́ко  
едѣн от прóстых, тружда́ясь па́че всех и поѣ хвалу́  
едѣному, в Трѣице сла́вимому, Бóгу: Аллилу́ия.

### *Икос 3*

**И**мѣяй душу, смиренномúдри́я испóлнену,  
а́ще и устраша́ясь брѣмене нача́льства, обáче  
не преслу́шав во́ли Бóжия, приѣл есѣ пору-  
чénное тебе́ ста́до Христóво и дóбре в пасéнии егó  
пребы́л есѣ. Ны́не же, вѣну предсто́я Престо́лу  
Бóжию, благоспоспéшествуй мо́литвами твоѣми  
всем, взывáющим к тебе́:

Рáдуйся, непрекослóвный во́ли учѣтеля твоегó  
испóлнителю;



Ра́дуйся, добрый ста́да Христо́ва наста́вниче.  
Ра́дуйся, возлю́бленный па́че мно́гих избра́н-  
ником Бо́жиим Сёргием, от него́же не утайся  
святы́ня твоя́;  
Ра́дуйся, благово́нный крине вертогра́да цер-  
ко́внаго.  
Ра́дуйся, све́тлый сосу́де Божественны́я благода́ти;  
Ра́дуйся, свети́льниче, не сокры́выйся под спú-  
дом, но на све́щнице поста́вленный.  
Ра́дуйся, честное́ Свята́го Ду́ха селение́;  
Ра́дуйся, преподо́бных све́тлое украше́ние.  
Ра́дуйся, ино́ков в по́двизех по́стнических ук-  
репля́яй;  
Ра́дуйся, заблуждшим путь спасе́ния показу́яй.  
Ра́дуйся, о́тче наш Са́вво, чудотво́рче пресла́вный.

#### *Кондак 4*

**Б**у́рю страсте́й и искуше́ний вра́жиих, препод-  
бежда́я постом, бде́нием и моли́твами, утоли́л  
еси́ до конца́. Ны́не убо причаща́яся сла́вы  
небе́сныя со все́ми святы́ми, предсто́иши Царю́  
сла́вы и пое́ши кúпно с ни́ми: Аллилу́ия.

#### *Икос 4*

**С**лы́шаще бли́жнии и да́льнии богоуго́дное  
твоё жити́е, стека́хуся от окрестных стран  
к тебе́, по́льзы ра́ди: ты же всех любезно  
приёмля, согрева́л еси́ сердца́ их Божественною  
любо́вию. К тебе́ убо и мы припада́юще, мо́лим:  
наста́ви ны, я́ко о́тец ча́да своя́, на стези́ спасе́-  
ния, и не забúди взыва́ющих к тебе́:

Ра́дуйся, всем прибега́ющим к тебе́ наста́вниче  
предо́брый;  
Ра́дуйся, ищущим успоко́ения со́вести собесéд-  
ниче прети́хий.  
Ра́дуйся, уныва́ющих душ утешителю пресла́дкий;  
Ра́дуйся, каю́щихся со умиле́нием ходатаю пре-  
усе́рдный.

Ра́дуйся, заблужда́ющих исправителю прекро́т-  
кий;  
Ра́дуйся, беззако́нных обличителю незло́бивый.  
Ра́дуйся, к воздержанию́ и целомудрию́ путево-  
дителю неосла́бный;  
Ра́дуйся, борю́щимся со страстьми́ помощниче  
неутомимый.  
Ра́дуйся, пра́ваго пути́ ве́ры и благоче́стия ука-  
зателю неложный;  
Ра́дуйся, моля́щимся тебе́ от гнева́ Бо́жия защи́т-  
ниче неотсту́пный.  
Ра́дуйся, о́тче наш Са́вво, чудотво́рче пресла́вный.

#### *Кондак 5*

**Б**оготечная звезда́ яви́лся еси́, преподо́бне  
о́тче Са́вво, от мра́ка грехо́внаго хотя́щим  
прейти́ к со́лнцу пра́вды, я́сно путь показу́-  
ющая. Те́мже мо́лим тя: просвети́ и на́ша сердца́,  
страстьми́ житейскими́ омраче́нная, и спосо́б-  
ствуй нам досто́йно воспева́ти Бо́гу: Аллилу́ия.

#### *Икос 5*

**В**и́дя благове́рный князь Гео́ргий смиренно-  
му́дрие твоё, я́ко уклони́лся еси́ от нача́ль-  
ственны́я вла́сти во оби́тели учи́теля твоего́,  
устремля́ясь к пусты́нному безмо́лвию, той умоли́  
тя, да всели́шия на гора́х, глаго́лемых Сторо́жи.  
Ты же, изволя́я благо́е послуша́ние явити́ благо-  
му́ желанию́, и оби́тель ино́ческую́ zde соста́вити  
хотя́, рекл еси́ со проро́ком: «Се поко́й мой, zde  
вселю́ся, я́ко изво́лих я́». И ско́ро на ме́сте сем  
храм Пресвяты́я Богороди́цы создáся, в нёмже  
ны́не нетле́нием моще́й твои́х благоуха́еши и не-  
мо́лчно ко Го́споду вопи́еши о возглаша́ющих  
к тебе́ сицева́я:

Ра́дуйся, го́рлице пустыннолю́бная и доброви́дная;  
Ра́дуйся, пусты́ни добро́е прозябе́ние,  
Ра́дуйся, цве́те присноцвету́щий;

Рáдуйся, смиренномúдрием и всякими добродé-  
тельницами странú сию облагоухáвший.  
Рáдуйся, благополéзно и мúдро прошéние князя  
совершívый;  
Рáдуйся, цёрковь прекрасну зде во слáву Рожде-  
ства Богородицы соорудívый.  
Рáдуйся, пустыню во обитель иночества претво-  
рívый;  
Рáдуйся, стаду твоемú вёрный наставниче.  
Рáдуйся, всем притекающим к тебе мир и благо-  
словéние от Господа молитвами твоими низво-  
дящий;  
Рáдуйся, о всех градех и вéсех российских мо-  
литвенниче неусыпающий.  
Рáдуйся, отче наш Сáвво, чудотворче преслáвный.

### *Кондак 6*

**П**роповеди Евáнгельския послушав: «Не пецы́-  
теся душéю вáшею, что я́сте, или́ что пи́ете;  
ни тéлом вáшим, во что облечётесь»,—  
упразднил еси́ сёрдце твоё от житéйских забот,  
питáется бýлием пустынным и малоцéнныя  
ризы нося. Сего́ ради нетлénия одéждою одéялся  
еси́ по преставлénии твоём, ю́же от Христа́  
Бога получи́ти и нам испроси́, вопиющим Ему́:  
Аллилу́ия.

### *Икос 6*

**В**озсиял еси́, я́ко богосвётлое светíло, во стра-  
не Россíйстей, всеблаженне отче Сáвво, оза-  
ряя нас лучáми добродéтелей и чудес твоих,  
тёмже вопиём ти:

Рáдуйся, даровáниями Свята́го Дúха сияющий  
члéне Цёркве Христóвы;  
Рáдуйся, преизобилующий истинным к Бо́гу  
умилénием.  
Рáдуйся, подражателю преподóбных в совер-  
шенном терпéнии;

Рáдуйся, подвигов иноческих ревни́телю.  
Рáдуйся, страсти грехóвныя, сíлою благодáти,  
в себе умертвívый;  
Рáдуйся, нищеты́ и нестяжáния образе.  
Рáдуйся, свётлое святýни зеркало;  
Рáдуйся, всех добродéтелей рачи́телю.  
Рáдуйся, немощных целéбниче;  
Рáдуйся, жéзле, падающих подкрепляющий.  
Рáдуйся, отче наш Сáвво, чудотворче преслáвный.

### *Кондак 7*

**Х**отящу благовёрному князю Геóргию воин-  
ствовати на супостáты, благословéние пре-  
подал еси́, отче, на одолéние, глаголя прорó-  
чески: «Изы́ди, благовёрный княже! Господь  
ти помóжет, и врагов твоих одолéеши, и благодá-  
тию Бóжиею здрав возврати́шия в отéчество  
твоё!»,— е́же и бысть, по глаго́лу твоемú. Он у́бо,  
возвратився от брани с побéдою и слáвою, и мно́-  
гими дарми снабдевая обитель твою́, воспевáше  
благодарственнó дивному во святых Своих Бо́гу:  
Аллилу́ия.

### *Икос 7*

**Н**овый подражателъ дрéвних ратобóрцев на  
страсти плотскíя явился еси́, отче Сáвво: от  
юности бо ум твой вперив к Бо́гу, я́ко столп  
вэры непоколебимый, да́же до старости маститыя  
пребыл еси́ в распинáнии плóти своея́ со страсть-  
ми́ и похотьми́. Сего́ ради не мо́жаху сíлы бесóв-  
ския запинáти ногáма твоима, ниже́ успева́ху  
устрашáти тя издалéча, от ихже наветов и напас-  
тей соблюди́ невреждённых и нас, торжéственнó  
воспевающих тебе́:

Рáдуйся, лику дрéвних постников сопричтён-  
ный;  
Рáдуйся, всенóщными молитвами и бдénием  
всю прелесть бесóвскую посрамívый.  
Рáдуйся, чистоты́ и воздержáния хранителю;



**Р**áдуйся, страстéй душéвных и телéсных победителю.

**Р**áдуйся, воине Христóв неустрашимый;

**Р**áдуйся, обдержимым бесóвскою сíлою надежный врачú.

**Р**áдуйся, надмéнных мудровáнием плóти к покорéнию глаголам Бóжиим приводяй;

**Р**áдуйся, всем напáствуемым от дúха льсти духовное зрéние и трезвéние подаваяй.

**Р**áдуйся, дúха вражды и любоначáлия от притекающих к тебе прогоняяй;

**Р**áдуйся, я́ко ходáтайством твоим дарóв Свята́го Дúха, в во́инствовании Христóвом укрепляющих, сподобляемся.

**Р**áдуйся, óтче наш Сáвво, чудотворче преслáвный.

### *Кондак 8*

**С**транное чúдо сотворил еси́, предивный óтче Сáвво, егда́ нечестивии хотяху расхитити достоя́ние цéркве твоея́. Онí, я́ко тáтие, устремляхуся окóнцем, е́же бе у грóба твоего́: где же вéлия горá показáся им, на ню́же взы́ти несть мóщно. Со студóм úбо возвраще́ся отсю́ду, последí же раскáявшеся, с во́плем и слезáми, грех свой исповéдаша пред все́ми, и скóро путь неправды оста́вльше, в покая́нии прóчее пожíша, с véрою вопию́ще Бóгу: Аллилу́ия.

### *Икос 8*

**В**есь был еси́ в Бóзе, ещё сый на землí, в по́дви-зех ино́ческаго жити́я: предстоя́щу бо ти пред лицéм Господним на Божéственной слúжбе, зрíмо бывáше воспламенéние чúдное в лице́ твоём от моли́твеннаго в дúхе горéния к Бóгу. Овогда́ же в толи́ком бе умилéнии душа́ твоя́, я́ко источáтися пото́кам слéзным от очес твои́х неудержíмо, ихже ра́ди единонравна́ тя зря́ху бы́ти со проро́ком, глаголю́щим: «Бы́ша слéзы моя́

мне хлеб день и но́щь». Обáче, вéлие стяжав дерзновéние к Бóгу, не забúди и нас, со слезáми печáли о гресéх своих к твоему́ заступлéнию притекающих и вопию́щих к тебе:

**Р**áдуйся, огнём Божéственныя любвэ́ ветхаго чело́века в себе́ попáливый;

**Р**áдуйся, во плóти, áки безплóтен, на землí поживый.

**Р**áдуйся, живы́ми и спасительными слезáми огонь по́хоти угасивый;

**Р**áдуйся, гóрняя радóсти и блажéнства áнгельскаго сопричáстниче.

**Р**áдуйся, за премно́гую любóвь твою́ к Бóгу Отцú сла́вою и чéстию препрослáвленный;

**Р**áдуйся, за глубóкое смирéние твоё от Христа́, Сы́на Бóжия, венцем́ нетлéния увенчáнный.

**Р**áдуйся, за чистотú и безстра́стие áнгельское от Пресвята́го Дúха осия́нный;

**Р**áдуйся, пречестна́я обителе́ Святы́я Трóицы.

**Р**áдуйся, Бóжия Мáтере служíтелю véрный и неусыпáяй;

**Р**áдуйся, в хра́ме Ея́ горé возносивыйся дúхом, и ны́не телом па́ки пребывáяй.

**Р**áдуйся, óтче наш Сáвво, чудотворче преслáвный.

### *Кондак 9*

**В**сякия беды́ и скóрби избáви нас, преподóбне óтче Сáвво, твоими тёплыми к Бóгу моли́твами, и испросí нам вся, ко вре́менной и вéчной жízни потрібная, да сподóбимся гóрняго Иерусали́ма достíгнути и кúпно с тобо́ю воспевáти Бóгу: Аллилу́ия.

### *Икос 9*

**В**ити́я многовещáнныя недоуме́ют достóйно восхвалíти тя, богомúдре Сáвво: кто бо до́влен разумéти вся борéния твоя́ с миродержíтели тьмы вéка сегó? Или́ кто изочтёт труды́, болéзни и по́двиги твоя́, в ни́хже пустыннолю́бное

жити́е соверша́л еси́? Оба́че мы, любóвию тво́ею побежда́еми, благода́рне тебе́ зове́м:

**Ра́дуйся,** зако́на Бóжия исполнителю всеу́сърд-  
ный;

**Ра́дуйся,** чистото́ю и целому́дрием многоце́нна-  
го бы́сера честне́йший.

**Ра́дуйся,** в терпе́нии и борéнии проти́ву плóти  
адама́нта тверде́йший;

**Ра́дуйся,** смиренному́дрием и кро́тостию па́че  
сла́вных земли́ просла́вленный.

**Ра́дуйся,** борю́щимся со страстьми́ и похотьми́  
помощни́че непобедимый;

**Ра́дуйся,** в трудéх, бде́нии и воздержáнии вели́-  
ким по́стником подража́телю ре́вностнейший.

**Ра́дуйся,** в духо́вной му́дрости наста́вниче бла-  
гоиску́снейший;

**Ра́дуйся,** по́двигов ино́ческих показáтелю рачи́-  
тельнейший.

**Ра́дуйся,** дру́гу Бóжию, преподо́бному Сэ́ргию,  
единона́вный;

**Ра́дуйся,** к ли́ку другóв Бóжих на Небеса́ пресе-  
ли́выйся.

**Ра́дуйся,** о́тче наш Савво, чудотворче пресла́вный.

### *Кондак 10*

**С**паст́ся хотя́ще ве́рнии от разли́чных напáс-  
тей и бед ми́ра сегó, тебе́ те́плаго предста́теля  
и моли́твенника к Бóгу предлага́ем: не тщéту  
сотвори́ нашу́ наде́жду на моли́твы тво́я, но  
ходата́йством тво́им изба́ви нас от лю́тых бед, на-  
пáстей, искуше́ний и скорбе́й, да несму́щенно, от  
избы́тка се́рдца, глаго́лем всегда́ Бóгу: **Аллилу́ия.**

### *Икос 10*

**С**те́ну ты твёрду и моли́твенника изря́дна стя-  
жа́в, свята́я оби́тель тво́я и вси страны́ Рос-  
си́йския заступле́нием тво́им хва́лятся. Те́м-  
же и мы грéшнии, ко грóбу тво́ему прите́кше, я́ко

ча́да о́тца, мо́лим: заступи́ и сохрани́ нас от иску-  
ше́ний и скорбе́й, бед и напáстей, моли́твами  
тво́ими, да взыва́ем ти радо́стно:

**Ра́дуйся,** благово́нный крине́ райскаго верто-  
града́;

**Ра́дуйся,** кипари́се, ве́рных се́рдца благово́нием  
усплажда́ющий.

**Ра́дуйся,** дре́во благосенноли́ственное, я́мже  
оби́тель тво́я покрыва́ется;

**Ра́дуйся,** неусы́пный моли́твенниче, жела́ния  
ве́рных во благи́х исполня́й.

**Ра́дуйся,** наде́жду и о́тишие в мо́ри жити́я сегó  
пла́вающих;

**Ра́дуйся,** твёрдое огражде́ние и прибе́жище  
у́сърдно Бóгу работа́ющих.

**Ра́дуйся,** неисчерпа́емый исто́чниче исцеле́-  
ний;

**Ра́дуйся,** стру́е, напая́ющая и веселя́щая жа́ж-  
дущих пра́вды.

**Ра́дуйся,** я́ко в ско́рбех жите́йских и обстоя́ниях  
сподобля́емся тво́его заступле́ния;

**Ра́дуйся,** всех у́сърдно притека́ющих к тебе́ от  
искуше́ний и бед ско́рое избавле́ние.

**Ра́дуйся,** о́тче наш Савво, чудотворче пресла́в-  
ный.

### *Кондак 11*

**П**э́ние всеумиле́нное прино́сим ти, пребла-  
же́нне о́тче Савво, и со дерзнове́нием мо́лим:  
вознеси́ ко Го́споду о спасе́нии душ на́ших  
твою́ свята́ю моли́тву, да сподобимся ве́чно в радо́-  
сти блаже́нней воспева́ти Бóгу: **Аллилу́ия.**

### *Икос 11*

**С**ветоподáтельными лучáми блиста́ет жити́е  
тво́е, о́тче наш Савво: вся́кия бо добродéтели  
Ева́нгельския явля́ются в тебе́ исполне́ние,  
те́мже и глаго́лем: